

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona na nastavku 133. sjednice održanom dana 26.02.2018. godine d o n o s i

## **ZAKLJUČAK**

### **I.**

Prihvata se Mišljenje Ministarstva za prostorno uređenje, promet i komunikacije i zaštitu okoline po inicijativi poslanika Samira Lemeša, u vezi donošenja Kantonalnog akcionog plana zaštite kvaliteta zraka, koje je sastavni dio ovog Zaključka.

### **II.**

Zaključak sa Mišljenjem Ministarstva za prostorno uređenje, promet i komunikacije i zaštitu okoline broj: 12-23-5422-2/17 od 13.02.2018. godine, upućuje se u skupštinsku proceduru.

### **III.**

Zaključak stupa na snagu danom donošenja.

Broj: 02-\_\_\_\_\_/18.

Datum, 26.02.2018. godine

Z e n i c a

**PREMIJER**

*Miralem Galijašević*

DOSTAVLJENO:

1x Ministarstvo za prostorno uređenje,  
promet i komunikacije i zaštitu okoline

1x Stručna služba Skupštine Kantona,

1x a/a.



Broj:12-23-5422-2/17  
Zenica, 13.02.2018.godine

U skladu sa članom 111. i 112. Poslovnika Skupštine Zeničko-dobojskog kantona («Službene novine Zeničko-dobojskog kantona», broj: 7/12 i 12/13) i aktom Vlade Zeničko-dobojskog kantona broj: 01-23-5422-1/17 od 17.04.2017. godine, Ministarstvo za prostorno uređenje, promet i komunikacije i zaštitu okoline daje sljedeće:

### MIŠLJENJE

Na 50. sjednici Skupštine Zeničko-dobojskog kantona održanoj 29.11.2017. godine, poslanik Samir Lemeš je urgirao zahtjev za mišljenje po inicijativi za donošenje Kantonalnog akcionog plana zaštite kvaliteta zraka.

Ministarstvo za prostorno uređenje, promet i komunikacije i zaštitu okoline smatra da su razlozi izneseni u Inicijativi opravdani uz sljedeće obrazloženje:

Obaveza mjerenja i praćenja kvaliteta zraka, ocjenjivanje nivoa zagađenosti zraka i poduzimanje odgovarajućih mjera propisane su Zakonom o zaštiti zraka («Službene novine FBiH» broj: 33/03 i 4/10) i nizom podzakonskih akata.

U cilju realizacije zakonskih obaveza Skupština Zeničko-dobojskog kantona je donijela Zakon o povjeravanju javnih ovlaštenja iz oblasti zaštite okoliša («Službene novine Zeničko-dobojskog kantona» broj: 12/13). Jedan od osnovnih zadataka prema navedenom Zakonu je uspostava monitoringa kvaliteta zraka na području Zeničko-dobojskog kantona. Kao što je poznato, monitoring kvaliteta zraka na području Zeničko-dobojskog kantona još uvijek nije uspostavljen u potrebnom formatu.

Akcionni plan zaštite kvaliteta zraka, prema članu 29. Zakona o zaštiti zraka, između ostalog, treba da sadrži: porijeklo zagađivanja sa listom osnovnih izvora emisije, mapu izvora zagađivanja, ukupne količine emisija, informacije o zagađivanju koje dolaze iz drugih područja, prirodu i procjenu zagađivanja, mjere za poboljšanje kvaliteta zraka, procjenu planiranog poboljšanja kvaliteta zraka itd.

Neophodni podaci za izradu Akcionog plana se prikupljaju u fazi izrade Registra o postrojenjima i zagađivanjima čija izrada je u toku. Završetak uspostave Registra o postrojenjima i zagađivanjima će biti okončan do polovine 2018. godine. Nakon toga se može pristupiti izradi Akcionog plana zaštite kvaliteta zraka, što je kao mjera za poboljšanje kvaliteta zraka planirano u KEAP-u u toku 2018. godine.

**Imajući u vidu da je razmatranje navedene inicijative prema Programu rada Vlade Zeničko-dobojskog kantona za 2018. godinu planirano u aprilu iste godine, kao i opravdanost navedene Inicijative, Ministarstvo za prostorno uređenje, promet i komunikacije i zaštitu okoline predlaže Vladi Kantona da ovo Mišljenje usvoji i uputi u dalju skupštinsku proceduru.**

Dostavljeno:

1 x Stručna služba Vlade kantona  
1 x Stručna služba Skupštine kantona  
1 x a/a

**MINISTAR**

**Fahrudin Brkić**